

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Cap. VIII. De impedimentis Matrimonii in genere, & in specie de
Impedimentis impedientibus tantum.

[urn:nbn:de:hbz:466:1-73973](#)

nio contracto medio interprete. Frustra autem, ut patet, dicitur, mandatum clandestinum esse medium ad matrimonium clandestinum, adeoque hoc prohibito, prohibitum & illud, quippe prohibito fine, prohibetur & medium ad illum. Nam prohibito fine prohibentur solum illa, quae eum necessario inferunt. Jam vero mandatum clandestinum non infert matrimonium clandestinum; cum non detur ad matrimonium clandestinum, sed publice celebrandum. Quae præterea opponi possent, vide diluta apud Castrop. n. 10.

4. Resp. quartò: Requiritur, ut mandatum hoc sit speciale, eò quod, cum matrimonium sit res gravissima, ex qua totus status vita dependet, oportet, ut specialiter committatur contrahendum. Item debet esse citca personam determinatam, alia non erit signum maritui amoris, uti haec habentur c. fin. de procurat. in 6. Castrop. l. c. n. 1. Sanch. l. c. n. 1. & seq. Covar. p. 2. de sponsal. c. 4. à n. 8. Pont. L. 2. de matr. c. 15. à n. 2.

5. Resp. quintò: Opus non est, ut mandatum illud concedatur in scripto, sed potest dari oretenus, sicut de quoque procuratore dicitur juxta Gl. in l. maritus. v. prescripsit. c. de procur. & ita tenent Sanch. L. 2. d. 11. n. 14. Gutt. c. 43. n. 16. Castrop. cit. p. 9. n. 7. ubi etiam hi AA. quod necessaria non sit in procuratoribus lexuum diversitas, sed fungi possint hoc officio tam duæ fœminæ, quam duo viri, quia non suo, sed alieno nomine contrahunt.

6. Resp. sextò: Debet procurator hoc mandatum exequi, nec alium sibi substituere potest, nisi id expressè habeatur in mandato; cum electa sit industria personæ AA. iidem ll. cit. Porro attendere debet procurator, ne in executione excedat limites mandati; siquidem in eo, in quo excedit non agit ut procurator, sed ut privatus; adeoque deficit consensus contrahentis, & sic nihil agitur. Castrop. n. 3. Sanch. n. 17. Pont. n. 6. qui tamen dicunt id intelligendum, dum excessus est in conditione, & forma substantiali, non vero, dum est in conditione & forma tantum accidentalis, ita ut tunc contractus non vitetur. Sic v. g. dum mandatum habet, ut contrahatur matrimonium servata forma Trident. non exinde vitabatur contractus, si denunciations omittantur, eò quod haec postulata credi possint eo solum modo & formâ, quo de jure communis requiruntur.

7. Resp. septimò: Si consensus principalis revocatus est tempore, quo procurator contrahit, etsi revocatio ei ignota, matrimonium est nullum, quia deficit consensus contrahentis, quem Ecclesia vel Respublica supplere non potest, sicut potest in aliis contractibus politicis, qui validè sunt etiam per procuratorem revocatum, dum revocatio nec parti, nec procuratori nota est. L. si mandatum. ff. mandati. Proceditque id ipsum, etiamsi juras,

te nunquam revocaturum mandatum. Castrop. cit. p. 9. n. 2. sed & sufficit revocatio tacita, v. g. si post datum mandatum contrahendi cum Titia celebres sponsalia, vel des mandatum contrahendi cum Ca-jo. Castrop. l. c. citatis Covar. p. 2. de sponsal. c. 4. n. 11. Sanch. l. c. d. 11. n. 20. Gutt. cit. c. 43. n. 28. &c. De cetero, si tempore, quo procurator contrahit, consentias, tamen si medio tempore post datum mandatum dissentias, matrimonium erit validum; quia mandatum firmum cum consensu persistit, Sanch. n. 11. Castrop. l. c. Gutt. n. 15. sic quoque si tempore, quo mandatum dedisti, tamen consensisti, & dein tempore, quo contrahit procurator verè consentis valere matrimonium, tenent Sanch. n. 13. Gutt. l. c. Henr. L. 11. de matr. c. 2. n. 2. Negat è contra Castrop. cit. n. 2. cum Cönnick. d. 24. du. 9. n. 72. eò quod constitutio procuratoris primæ: quæ fuerit nulla ob simulationem tuam, non possit solo consensu interno revalidari, sed opus sit novo legitimo expresso consensu consti-tui. Illud certum est, non requiri, ut tempore, quo procurator contrahit, actu dissentias, sed sufficere, ut tunc non dissentias; quia in vi prioris consensu tui non revocati, quo procuratorem con-sististi, sit matrimonium, tamen si distractus, Castrop. Sanch. Cönnick. ll. cit. qui & inde contra Pont. l. 2. c. 15. n. 14. inferunt, valere adhuc matrimonium, et si eo tempore, quo contrahit procurator, incidet in man-niam; eò quod licet tu eo tempore contrahere ne-queas; uti nec contrahere potes, si eo tempore dormias, possis tamen tunc contrahere per alium; quia non contrahis in virtute consensu tunc ex-pressi, sed in virtute consensu habitu tempore, quo procuratorem constitisti.

Quæst. 101. An parim modo validè, etiam in locis, in quibus receptum est Tridentinum, contrahi possit matrimonium per episolum.

R Esp. affirmativè. Sanch. d. 12. n. 3. Molin. de just. l. 3. d. 254. Gutt. c. 45. n. 4. Castrop. cit. p. 9. n. 11. cum communi. Potest enim sic fieri traditio & acceptatio (uti siebat iure antiquo. L. mulierem. ff. de ritu nupt. quod per Trident. mutatum non est) etiam coram eodem Parochio, & testibus iisdem, quod necessarium est, ut testari possint de matrimonio; dum nimis scribis Titiae, te tradere te ei in maritum, eamque in uxorem accipere, ipsaque legens literas tuas coram Parochio. & testibus affirmer, le quoque se tradere in uxorem, & traditionem à te sibi factam acceptare. Putant tamen Castrop. & Cönnick necesse esse, ut Parochus & testes agnoscent tuas literas, & sic sciant, cujus traditionem mulier accepit.

C A P U T VIII. De impedimentis matrimonii in genere, & in specie de impedimentis impedientibus tantum.

Quæst. 102. Impedimenta matrimonii quotuplicia, & penes quem sit potestas ea constituendi.

1. R Esp. ad primum: Sunt duplia, aliqua impedientia tantum, quae impediunt, quod minus matrimonium licite, non vero, quod minus validè contrahi possit.

Alia dirimentia sic dicta, non quod matrimonium validè contractum dirimant, sed quod impedian, ut matrimonium nequidem valide contrahi possit.

2. Resp. ad secundum: quantum est ex natura rei, & seclusis constitutionibus ecclesiasticis, omnis Magistratus (adeoque & civilis) qui absolute habet potestatem ferendi leges, potest impedimenta matrimonii tam dirimentia, quam im-pedi-

pedimenta matrimonii tam dirimentia quam impedientia decernere. Laym. l. 5. tr. 10. p. 4. c. 1. num. 1. Sanch. l. 7. d. 3. cum D. Thom. in 4. d. 34. q. unic. a. 1. ad 4. Matrimonium siquidem est contractus in natura officium & ad propagationem communitatis institutus; ideoque non minus ac alii contractus subjecet dispositioni Magistratus, quatenus necessarium & expediens judicatur ad bonum Republicæ, ut aliquæ personæ inter se hunc contractum celebrare nequeant. His non obstantibus, quod matrimonium fidelium in lege nova sit Sacramentum; cum ratio Sacramenti supervenientis contractui matrimoniali eum non immutet, sed tanquam materiam supponat ex naturali & de jure validum, ac proinde is per potestatem humanam immutans, ita ut qui ante erat validus nunc habeatur pro invalido & nullo, Magistratus sic statuente, definit esse materia Sacramenti.

3. Resp. ad secundum secundò: Hanc potestatem statuendi impedimenta matrimonii magistratus sacerulari seu principibus laicis christianis respectu fidelium interdixit, sibique propriam reservavit Ecclesia, eò quod deceret, postquam matrimonium elevatum est ad dignitatem Sacramenti, Laym. Sanch. LL. cit. Bellarm. l. 1. de mat. c. 32. Castrop. de Sponsal. d. 4. p. 1. num. 1. ut colligitur ex Trid. sess. 24. can. 12. Possunt nihilominus dicti Magistratus decernere plura, quæ matrimonii substantiam nec mutant nec impediunt, sed sunt illi extrofseca & accessoria, V. G. ciresa domem, arrhas, sponsalitiam largitatem, donationem inter conjuges &c. Castrop. l. c. Pont. l. 6. c. 2. num. 5.

4. Dixi primò: *Principibus Christianis*; siquidem Principibus ethniciis seu infidelibus Ecclesia, utpote nullam habens in eos jurisdictionem, interdicere non potest, aut impudire, quo minus illi pro infidelibus sibi subjectis ea statuere possint impedimenta matrimonii, quæ recte regimini communis convenienter videntur. An verò fideles subjecti Principibus Ethniciis ligentur impedimentis juxta eorum leges statuvis matrimonio, non convenienter inter AA. affirmant Sanch. l. 7. d. 3. a. n. 2. Henrig. l. 12. c. 1. in prim. eò quod licet matrimonium sit Sacramentum, sit tamen etiam contractus civilis potestati civili subjectus, quam potestatem civili principium Ethnicorum restringere non potest Ecclesia. Negant è contra Laym. l. c. n. 3. Castrop. n. 3. Covar. 4. decret. p. 2. c. 6. §. 1. Pont. à n. 3. Hurtad. de mat. d. 12. diff. 2. num. 7. Etç. eò quod contractus matrimonialis non sit purè civilis, quia est Sacramentum; & non excedat potestatem Ecclesia omnes ubique degentes Christianos eximere legibus Ethnicorum, & solis ecclesiasticis subjecere quod ad matrimonii validitatem & invaliditatem; cum illius plurimum inter sit ob Sacramenti dignitatem hac in servare uniformitatem inter Christianos, adeoque credendum sit, defacto id fecisse Ecclesiam.

5. Dixi secundò: *Principibus Christianis* respectu fidelium; nam neque hi impediuntur ea statuere pro infidelibus sibi subjectis; et si horum matrimonia non sint Sacramentum, sed contractus merè civiles, adeoque ut hi principes potestatem habent condendi leges irritantes alios contractus civiles, sic etiam procedere possunt & statuere circa contractum matrimoniale.

6. Resp. ad secundum tertìò: Potestas illa ecclesiastica statuendi istiusmodi impedimenta (in-

tellige ditimentia) est penes summum Pontificem, & de facto ei soli reservata. Laym. n. 4. Covar. Ponc. LL. cit. Castrop. n. 2. Sanch. l. 7. d. 1. eò quod cum constitutio haec impedimentorum sit res gravissima, merito à prima sede & supremo Ecclesia capite ac Principe provenire debeat, constatque hoc ipsum ex continua praxi Ecclesie; quidquid sit de eo, num de cætero Episcopis profuis diocesibus competat ea potestas ex vi muntris, ut docent Covar. Sanch. Ponc. Hurtad. LL. cit. contrarium tenente Suar. Tom. 5. de censur. d. 7. f. 4. n. 5. Côn. d. 30. da. 1. num. 3. Et 8. Haec impedimenta non nisi generalibus canonibus à summo Pontifice aut generali Concilio ejus auctoritate confirmato decerni possunt, & tametsi Papa per particularem sententiam possit hic & nunc ex justa causa matrimonium tanquam invalidem contrahendum interdicere quibusdam, non tamen facilè solere uti hac sua potestate, ait Laym. l. c. n. 4. remittens ad Navar. l. 4. consil. 1. Et 2. Et consil. 2. de mat. contracto contra interd. Eccles. & Sanch. l. 7. d. 2. num. 12. & Sanch. l. 7. d. 2. num. 12.

Quæst. 103. An consuetudine induci possint novain impedimenta dirimentia, & abrogari jam constituta.

1. **R**esp. affirmativè, dum consuetudo legitimè inducta & praescripta esset. Sanch. de mat. l. 7. d. 4. à num. 11. Ponc. l. 6. c. 4. num. 6. Côn. d. 30. d. 1. à n. 12. Galp. Hurt. d. 12. diff. 2. n. 8. Castrop. cit. p. 1. num. 5. remittens ad se tr. 3. de LL. d. 3. de consuet. p. 4. & alii communiter contra gl. in c. 1. de cognat. Spirit. Jo. And. & Anch. in c. 5. de consang. & alios ideo censentes non posse nova impedimenta induci consuetudine; quia jam constituta vi illius abrogari nequeunt; jam verò consuetudinem legitimè praescriptam habere vim legem humanam abrogandi, & aliam denuo inducendam, non quidem ex se sua natura sua, sed ex consensu Principis tacito seu legati, in eo consistente, quod edita constitutione vel canone generaliter declarat, aut concedat ei vim tollendi legem suam, si legitimè inducatur, constat ex toto tit. de consuet. consuetudinem facti autem (quatenus est frequentia operandi liberè eodem modo) non propterea destitui, consensu Principis saltem legali, aut etiam hoc ipso irrationaliter & multò minus corruptelam esse, quod sit contra legem ejus, certum est; cum alias nulla consuetudo rationabilis esset, quam agitur contra legem, quam abrogare vult, sed eam solam esse irrationaliter, quam seclusa lege, quam abrogare vult, continet turpititudinem aliquam vel deformitatem contra legem divinam vel naturalem æquitatem, adeoque etiam ex usu diuturni temporis non evadit digna, quam pro lege habeatur, Sanch. l. c. num. 14. quam etiam, si ut talen reprobat jura, corruptela dicitur; adeoque jam eo ipso destitui omni consensu principis etiam legali, vim nullam legis habere potest, quippe quam esse debet in finem boni communis, nimirum ad perfectionem, non corruptelam Republicæ humanæ per bonos & honestos mores gubernandæ. Jam verò non omnis consuetudo, vi cuius abrogaretur impedimenta dirimentia matrimonii jure solùm humano inducta continet turpititudinem aliquam contra jus divinum aut æquitatem naturalem, adeoque ut talis reprobari nequit; sed nec destituitur consensu tacito seu legali supremi legislatoris ecclesiastici &

H

cum

cum is generaliter in *ut. de consuet.* concedit, seu inesse declarat consuetudini vim illam abrogandi leges suas particulares. Unde jam etiam vides, minus recte dici, de facto apud haereticos jam à centum & pluribus annis liberè ac passim contrahentes matrimonia cum impedimento ecclesiastico alias dirimente abrogata esse istiusmodi impedimenta; adeoque jam valida esse illa eorum matrimonia; nam licet postremum teneant Marchant. Tom. 3. tribun. Sacram. tr. I. tu. 6. concl. 4. Bonagrat. in sum. q. regul. discep. ad Sacram. matrim. n. 67. & alii apud Wiesn. tr. de can. imped. mat. p. I. a. I. num. 20. & apud Krim. ad 4. decretal. num. 1892. qui etsi ipse censeat proper rei gravitatem & catum frequentiam exspectandam potius decisionem Apostolicam, quam statuere certum aliquid, existimat tamen, n. 25. sententiam illam haereticorum matrimoniis faventem probabilem, tutam, & ratione spectatisque generalibus juris principiis oppositam potiorem, opposita tamen sententia, quam tenent Less. in auclar. l. 2. de prescrip. cas. I. Gobat. in Theol. experim. tr. 9. num. 49. & in append. 15. à num. 88. & alii, quos sequuntur Krim. n. 1897. verior censetur, ne alias haereticici exempti cendi sint ab obedientia Ecclesie in omnibus, quibus etiam scienter & cum contemptu porestatis ecclesiasticae in summo Pontifice ejus legibus & constitutionibus cum pertinacia contraveniunt, quod absurdum est; siquidem consuetudo haec haereticorum cum pertinacia & contemptu contraveniens constitutionibus legitimi superioris, quod ipsum repugnat juri naturali ac divino, rationabilis esse non potest, aut muniti tacito hujus legislatoris contempti consensu. Et quomodo illa haereticorum consuetudo dici poterit legitimè præcripta, dum non tantum irrationalitate & pessima fide per homines, qui violata dicitur Deo & Ecclesie fide per meram turpissimam vitæ liceniam, tum exemplo, tum verbo facilè alios in sui sequelam & contemptum Ecclesie ac legum ejus perduxerunt; verum etiam dum nunquam fuerit possessionis aut quasi possessionis pacificæ, tot reclamationibus & pennis in eos à legislatore ecclesiastico vibratis interrupta.

Quæst. 104. quæ & quotuplicia sint impedimenta impeditia tantum, & num omnia adhuc sint in usu.

1. **R** Esp. ad primum: Alia sunt seu procedunt ex crimen sequentibus versiculis comprehensa:

Incestus, raptus Sponsaræ, mors mulieris, Susceptus propriæ sobolis, mors presbyteralis; Vel si paniat solenniter, aut monialem Accipiat; prohibent haec matrimonium sociandum.

Alia procedunt non ex crimen, & sunt sequentia:

Ecclesie vetitum, nec non tempus feriarum, Atque catechismus, Sponsalia, jungito votum, Impedient fieri, permittunt facta teneri.

2. Resp. ad secundum: Tametsi impedimenta illa orta non ex delicto hodiendum adhuc sint in usu, excepto forte catechismo, de quo paulo post, impedimenta illa omnia orta ex crimen, quatenus omni matrimonio, seu matrimonio cum quoconque interdicunt sub gravi peccato, sunt consuetudine abrogata. Nav. c. 22. num. 75.

¶ 87. Hentiq. l. 12. c. 2. num. I. in commentariis Less. l. 4. c. 3. num. 68. Sanch. l. 7. d. 17. num. 8. Castrop. l. c. p. 2. §. 2. num. 23. Ponc. l. 7. c. 14. Laym. l. c. 15. num. 2. Perez de mat. d. 23. f. 8. Gobal. l. c. tr. 9. num. 7. cum communiore contra Rebell. l. 3. de imped. mat. q. 18. in fine. cui favere videtur Toler. l. 7. c. 19. siquidem passim videntibus, & non contradicentibus Episcopis aliisque ordinariis, his impedimentis obnoxii contrahunt matrimonia, nulla dispensatione petita; quod si tamen quis majoris securitatis gratia dispensari secum in hoc desideret, potest recurrere ad Episcopum, qui speato jure in hoc dispensare poterit. Laym. Castrop. Less. Sanch. LL. cit. Nap. l. 4. conf. 9. num. 5. de consang. Unde jam etiam, quia in utroque non sunt amplius, in iis explicandis non immorior, vide super his Castrop. l. c. §. 2. Laym. cit. c. 5. Krim. à num. 1924.

Quæst. 105. Quæ sint impedimenta dirimenti, & quam obligationem inducant.

1. **R** Esp. ad primum: Jure novo Tridentini statuuntur comprehensa sequentibus versiculis:

Error, conditio, votum, cognatio, crimen, Culús disparitas, vis, ordo, ligamen, honestas.

Si sis affinis, si forte, coire nequibus.

Si parochi & duplicitis desit praetentia testis, Raptaque sit mulier, nec parti redditia tui. hæc socianda vetant connubia, facta retrahant.

2. Resp. ad secundum: Peccat graviter, qui ligatus aliquo horum impedimentoorum attinet, seu vult contrahere, seu de facto contrahit matrimonium; quia in re gravi agit contra præceptum Ecclesie, est communis. Laym. l. c. p. 4. c. I. num. 5. Portò peccat contra illam virtutem, cuius intuitu statutum impedimentum; sic committitur peccatum in justitia, dum impedimentum est eritis, conditionis, raptus, vis; quia haec statuta, ne contrahens deceptus patiatur injuriam. Idem est, si impedimentum est ligamen vel parentia parochi; cum eo enim contrahens facit injuriam etiam propriae conjugi; sic peccatur contra justitiam vindicativam, dum est impedimentum criminis; contra piatem, si est affinitatis vel consanguinitatis contra religionem, si impedimentum est votum vel disparitas cultus. Peccari insuper, cum quoconque demum impedimento contrahatur peccato sacramenti adversus Sacramentum matrimonii, censent Castrop. cit. d. 4. p. 3. num. 3. Laym. l. c. num. 6. Cöneck. d. 30. da. 2. corol. 4. &c. eò quod sic contrahens abutitur nomine & ritibus Sacramenti ad simulandam suam nequitiam, simulatione haec consistente in eo, quod apparet materiam & formam matrimonii opponis, intendisque matrimonium contrahere, cum tamen non contrahis illud. Negant tamen è contra Sanch. l. 7. d. 5. num. I. Hurt. d. 12. difficult. 3. num. II. eò quod stante impedimentoo, non apponatur materia & forma sacramenti, cui fiat injuria.

3. Ex dictis sequi videtur, quod in confessione exprimendum, cum quo impedimento contractum matrimonium, dum diversarum virtutum, à quibus hoc peccatum desumit specificationem, intuitu

inventu est statuum impedimentum; quod ad copulam ipsam autem habitum ab iis, qui cum impedimento contraxerunt, tunc tantum habere eam malitiam à fornicatione distinctam, quando contractus matrimonii praecepit prohibetur propter indecentiam, quæ in ea copula reperitur, V. G. habita inter affines vel consanguineos, aut etiam inter ligatos votu, aut dispati cultu; non vero, quando contractus matrimonii prohibetur, non tam ob indecentiam copula, sed ob aliam rationem, V. G. in penam criminis, in favorem personæ liberæ, ita quod ad copulam tradunt Sanch. d. 5. num. 7. Cón. num. 21. Castrop. n. 5. Hurt. l.c. num. 14.

Quæst. 106. Quid importet impedimentum catechismi, & num illud adhuc hodiecum duret.

1. R Esp. ad primum: Contrahitur hoc impedimentum ab eo, qui in Catechismo seu instructione & professione fidei facta ante Baptismum nomine baptizandi responder Sacerdoti interroganti, ut habetur c. 2. de cognat. Spirit. in 6. impedit matrimonium illius cum persona illa baptizanda, et si cum ea contractum valeat, si respondens ille non sit verus Pater impediens que olim in iis gradibus, in quibus cognatio Spiritualis. Illud etiam contrahi, et si per accidentem subsequatur catechismus baptismum ob urgente aliquam causam domi factum, censent Covar. 2. p. decret. c. 6. §. 4. n. 11. Sanch. l. 7. d. 10. n. 7. & ali contra Sotum in 4. d. 37. q. unic. a. 1.

2. Resp. ad secundum: Abrogatum non esse hoc impedimentum per Triad. sess. 24. c. 2. de reform. sed restrictum ad primum gradum, sicut cognatione ex Baptismo, censent Cuchus l. 5. ins. mor. tit. 12. num. 17. Lancellot. Inst. juris can. l. 2. tit. de trip. cognat. per catechis. Tolei. l. 7. c. 14. Et. ed quod omnis correctio juris sit vitanda, quod ad fieri potest; adeoque esto, quod Concilium omnem aliam cognationem abstulerit præter provenientem ex Baptismo intelligi debet, abstulisse omnem aliam cognitionem spirituali dirimentem, non impedientem tantum. E contra penitus abrogatum esse hoc impedimentum impediens, censent cum communione Sanch. l. 7. d. 10. num. 11. Gutt. de mat. c. 84. n. 6. Reginald. l. 31. num. 190. Rebell. de obligat. Just. 2. p. l. 18. num. 20. Castrop. n. 9. &c. ed quod Concilium dixerit, impedimentum cognationis spiritualis solum extendi debere ad levantem baptizatum de sacro fonte ejusque patrem ac matrem, omnibus inter alias personas hujus spiritualis cognitionis impedimentis sublati; omnis autem negativa universalis negare omne impedimentum, de impedimento etiam impidente tantum cognitionis spiritualis sit accipienda. Occasione cuius monent Sanch. Castrop. Gutt. & alii parochum obligatum annotare nomina patrum, qui baptizatum leverunt de sacro fonte, si solum professores fidei fuerunt, seu Catechismo solum astiterunt, debere id exprimere; quia ex primo munere contrahunt impedimentum dirimens, ex altero solum impediens vel nullum.

Quæst. 107. Sponsalia quid impedimenti importent.

R Esp. Sponsalia valida, pura, non dissolua jure naturali impediunt matrimonium contrahendum cum alia; cum sit contra fidelitatem & justitiam, rem uni promissam, eo invito, tradere R. P. Leur. Jur. Can. Tomus IV.

alteri. Dixi: *Sponsalia pura*: nam pendente conditione, sub qua prius celebravit Sponsalia cum alia, impeditur quidem contrahere, & illicitè contrahit matrimonium cum alia, non tamen peccat contra obligationem ducendi priorem Sponsam, sed solum contra obligationem expectandi evenitum conditionis. Porro non nascitur hoc impedimentum ex Sponsalibus contractis post & contra priora Sponsalia, etiam his rite dissolutis; quia Sponsalia illa posteriora sunt de jure naturæ nulla (nisi forte relata in tempus quo priora forent dissoluta) quod autem nullum est etiam jure naturæ, tractu temporis non convalescit. E contra probabiliter hoc impedimentum adhuc afficit Spontum in casu, quo contra priora Sponsalia initio matrimonio, eo rursus soluto, evadit liber, eò quod priora Sponsalia per matrimonium cum alia initum cum injurya prioris Sponsæ non sint omnino dissoluta ex parte Sponsi, sed tantum erant suspensa, ideoque manet prima Sponsæ obligatus naturaliter ad servandam illi fidem sublatu impedimento, nimirum soluto dicto matrimonio. De cætero in hoc impedimento nequit dispensare Episcopus; præterquam enim, quod in lege lata à Pontifice (qualis est in c. ex literis. n. 2. b. t.) inferior dispensare nequeat, ex Sponsalibus jus est acquisitum tertio; in eo autem jure, ut patet in testamencis, donationibus, dispensare nequit Episcopus; potest autem ex rationabili causa solus Pontifex; ita Sotus in 4. d. 37. q. unic. a. 1. concil. 2. Castrop. n. 11. Sanch. l. 1. de mat. d. 61. Et.

Quæst. 108. Quid observandum circa impedimentum voti.

1. R Esp. primò: Nomine hujus impedimenti venit votum simplex non nubendi, quippe direclè oppositum matrimonio, votum ordines suscipiendo vel religionem ingrediendi; quia sunt status cum matrimonio non compatibilis. Item votum absolutum servandi castitatem (intellige, extra religionem; cum votum simplex castitatis, quod post biennium novitiatus emititur in Societate non tantum sit impediens, sed & dirimens matrimonium) quo corpus voventis absoluè deo consecratur, adcoque alteri tradi non potest. Quodlibet ex his votis jure naturali ac divino matrimonium impedit, juxta c. consult. c. veniens. c. rursus, qui clerici vel vovent. c. unic. de voto in 6. Nec definit impedire matrimonium primum, et si vehementibus stimulis carnis urgearis, ut cum communis Sanch. l. 7. d. 11. à n. 12. Ponc. l. 6. c. 12. num. 2. Castrop. cit. §. 1. num. 12. Et. eò quod ob statum religionis, ordinum & celibatus excellentiam assequendam ea difficultas merito superari debeat, quin & possit ab adjuto divinâ gratiâ, adhibitis oratione, jejunio aliquo paupertate operibus. Nec secundò, licet sint conditio[n]ata vel dilata, seu respicientia tempus futurum. V. G. si beneficium obtinuerit, postquam studia absolveto &c. eò quod licet eorum obligatio perfecta non sit, quoque conditio vel tempus adveniat, obligent tamen voventem, ne se incapacem & inhabilem reddat ad eorum executionem, ut fieret contrahendo matrimonium. Sanch. n. 7. Ponc. n. 1. Gutt. c. 85. n. 3. Castrop. n. 12. Neque tertio non impediunt adhuc matrimonium contrahere, etiam cum animo illud non consummandi, sed ante consummationem ingrediendi religionem, vel (intellige, cum licentia conjugis) sibi ipiendi Ordines, ut Castrop. n. 12. contra Rebell. de oblig. just. p. 2. H 2 l. 3. c. 17.

3. c. 17. an. 2. Ponz. n. 4. §. 5. cō quodcū que est ratio horum AA.) licet contractus matrimonii secula consummatione non impedian ingressum religionis, susceptionem ordinum, cælibatum, contrahendo tamen matrimonium conjiciatur quis in grave periculum desistendi ab illa religionis ingrediendæ intentione, ratione cuius periculi sitem contractus matrimonialis ille est illicitus, etiam dum alteri conjugi ista intentio manifestatur; si vero cum eo contrahitis non manifestata & illa intentione, contractus aliunde est illicitus, nimurum quia alter per hoc decipitur, & irrogatur ei injuria; esto enim, habeas bimetre ad deliberandum de ingressu religionis, neuterque conjugum possit alterum contrahendo matrimonium obligare, ne ad religionem transeat, si Deus inspiraverit, de facto tamen obligat, ne secum contrahatur animo firmo ingrediendi religionem, quin is animus ei manifestetur; dum enim communis modus contrahendi est animo confirmandi matrimonium, adeoque sic contrahere presumuntur, alterque alias tecum non contraheret, decipitur & patitur injuriam, si contrahas cum eo contra communem hunc modum, nempe cum firmo animo non confirmandi, & animum hunc tuum ei non manifestas. Neque quartò, si post tale votum deflorasses virginem absque promissione matrimonii & ipsa liberè consentiente; cō quod nulla ei irrogata injuria, cuius reparatione decobligari posset ab executione voti. Sanch. l. 7. d. 14. n. 11. Ponz. l. 6. d. 12. num. 6. Castrop. n. 15. Valq. de refut. c. 3. §. 2. du. 6. n. 21. Idem est si eam vi, dolo aut fraude violasti, quia non teneris præcisè eam ducere, sed solùm damnum resarcire dorando, ut æquè bene nubere valeat, ut docent Sanch. n. 12. Per. Navar. de refut. c. 3. n. 423. Less. l. c. n. 10. secus est, si eam nolentem contentari dotatione, tenearis ducere. Item idem est, seu manes obligatus voto non nubendi exequendo, si eam conscienti tui voti deflorasti sub promissione conjugii; ed quod, cum promissio illa tua nulla fuerit, idque cognoverit virgo, censeatur gratis tibi prostituisse corpus suum; secus, si ea ignara voti tui; tunc enim teneris eam ducere suspensus voto tuo; ed quod obligatio justitiae superveniens, orta ex usu corporis virginis sub hac conditione eam ducendi tibi concessio prævaleat promissioni castitatis deo factæ; sicut, si post votum dandi eleemosynam subripes alienum, prius deberes satisfacere huic debito quam voto, & licet illi damno virgini illato posses satisfacere dotis augmento, non inde liberaberis ab ea ducenda;

cum ei vi contractus non pecuniam, sed matrimonium debetas; & quoties alicui in specie debetur quid, id praestandum est, nec sufficit æquivaleens dare, creditore non contentiente seu contento. De cætero, ut dictæ obligationi justitiae satisfacias, debere te prius petere dispensationem, quæ necessariò concedenda sit; ait Castrop.

2. Resp. secundò: Quid si talis vovens circa dispensationem de facto illicitè contraxerit matrimonium, si vorum fuit de non contrahendo matrimonio factum amore castitatis, adeoque de non contrahendo simpliciter & perfectè, id est, contrahendo & consummando, tenerur adhuc ad non pretendendum debitum; quia quod ad eam partem potest servari. Castrop. num. 18. negat tamen hoc ipsum cum aliis Kimer. n. 1969, cō quod femel violato hoc voto non nubendi, seu vitam cælibem ducendi, ejus executio non sit amplius possibilis; concedunt tamen cum Castrop. id procedere in voto simplici castitatis; si vero votum fuit de ingredenda religione, tenetur illud exequante consummationem, nisi forè in casu defloratæ virginis sub promissione conjugii ei non tuulet plenè satisfactionem per solum contractum matrimonii; si denique fuit de suscipiendo Ordine, cessat omnino, etiam non consummato matrimonio, ita ut possit petere & redire debitum, cum non possis illud exequi sine licentia conjugis iuxta Extrav. antiquæ de voto. Porro citæ hoc impedimentum voti notandum, per votum ingrediendi religionem emissum post sponsalia valida creari impedimentum contrahendi matrimonium, etiam cum Sponsa, & manere obligationem votum illud implendi in sententia illorum, qui censem priora sponsalia absolute, etiam ex parte voventis, dissolvi per tale votum; secus est in sententia illorum, qui censem non dissolvi per illud sponsalia dicta ex parte voventis; quia prævaleret tunc prior obligatio justitiae de ea ducenda, cui promissum matrimonium, & votum illud subsequens nullum est; et si autem votum illud non sit impedimentum impediens matrimonium cum dicta sponsa, est tamen tale, seu redditur vi illius matrimonium illicitum cum alia. Idem est de voto castitatis emissio post sponsalia valida, adeoque in præjudicium alterius.

Quod autem spectat ad reliqua duo impedimenta, impedientia, quæ non oriuntur ex criminis, nempe Ecclesiæ veritum & tempus feriarum, de iis dicetur inferius speciali titulo.

C A P U T IX.

De impedimentis dirimentibus in specie.

§. I. De impedimento publicæ honestatis.

Quæst. 109. *Quid sit impedimentum publicæ honestatis, & quo iure induitum.*

R Esp. ad primum: Est propinquitas seu affinitas quædam inter Sponsum & consanguineos Sponsæ, & vice versa inter consanguineos sponsi & sponsam, orrum habens ex Sponsa-

libus de futuro & matrimonio rato tantum, vi cuius neuter Sponsorum matrimonium contrahere potest cum consanguineis alterius. Dicitur primò: *propinquitas*; quia per sponsalia, quæ sunt veluti inchoatio matrimonii, & per ipsum matrimonium ratum quilibet Sponsorum propinquat seu accedit ad fines sanguinis alterius sponsorum, inchoando quasi cum ejus consanguineis affinitatem, quæ con-surgit